


大雅 五十二

美襄至有



十八

白雲書庫

六家詩名物疏卷五十

海虞馮復京嗣宗輯著



大雅蕩之什一

蕩篇

羹

爾雅云。肉謂之羹。○廣雅云。羹謂之涪。○釋名云。羹。汪也。汁汪郎也。○天官亨人祭祀共大羹。鉶羹。賓客亦如之。疏云。大羹。肉涪。盛於登。謂大古之羹。不調以鹽菜及五味。鉶羹。是陪鼎。腳臙臙。調以五

暹音搭
挾音夾

味盛於鉶器。謂之鉶羹。若盛之於豆。即謂之庶羞。即公食大夫十六豆也。○公食大夫記云。鉶芼。牛藿。羊苦。豕薇。皆有滑。士虞記云。鉶芼用苦若薇。有滑。夏用葵。冬用苴。○曲禮云。進食之禮。羹居人之右。母嚙羹。母絮羹。羹之有菜者用挾。無菜者不用挾。禮運云。退而合亨。實其鉶羹。禮器云。納牲詔於庭。血毛詔於室。羹定詔於堂。郊特性云。大羹不和。貴其質也。內則云。膳。膾臠臠食。雉羹麥食。脯羹鷄羹。折稌。犬羹兔羹。和糝不蓼。凡羹齊視。夏時。士不貳羹。載。鶉羹。鷄羹。釀之。蓼。羹食。自諸侯以下。至于庶人。無等。玉藻云。子卯稷食菜羹。○毛詩義問云。鉶羹有菜鹽豉。其中菜。為其形象可食。因以鉶為名。○朱子云。鄉飲酒禮。鄉射禮。燕禮。大射儀。公食大夫禮。少牢饋食禮。皆曰羹定。蓋以羹熟為節。然後行禮。

鬼方

易。高宗伐鬼方。○大戴禮。帝繫曰。陸終娶于鬼方氏。○世本注云。鬼方於漢則先零戎。○後漢西羌

傳云。武丁伐西戎鬼方。三年乃克。○唐高祖紀云。夏曰熏鬻。商曰鬼方。周曰玁狁。漢曰匈奴。魏曰突厥。○朱子殷武傳曰。高宗伐鬼方。蓋謂是與。

按鬼方不詳其地。蓋是遠夷之國也。古有三說。俱非確證。

本

說文曰。木下曰本。从木。一在其下。徐曰。一記其處也。

抑篇

蠻方

鄭注云。九州之外不服者。疏云。謂治夷鎮蕃三服。○禹貢。五百里荒服。二百里蠻。二百里流。○大司馬云。蠻畿外方五百里曰夷畿。又其外方五百里曰鎮畿。又其外方五百里曰蕃畿。大行人云。九州之外謂之蕃國。世一見。各以其所貴寶為摯。○周語云。蠻夷要服。戎狄荒服。

屋漏

爾雅云。西北隅謂之屋漏。孫炎曰。當室之所。白日

光所漏入。舍人曰。古者徹屋西北隅以炊浴沒者。訖而復之。故謂之屋漏。○箋云。屋小帳也。漏隱也。禮祭于奧。既畢。改設饌于西北隅。而扉隱之處。此祭之末也。疏云。天官幕人職。掌帷幕幄帟。注云。幕以布幄。帟以繒爲之。幄在帷幕內。則爲小帳。室內亦有之。屋漏者。正謂西北隅也。言祭末時事者。特牲禮尸謾之後云。佐食徹尸薦俎。散設于西北隅。几在南。扉用筵。納一尊。佐食闔牖戶降。是其事也。禮記鄭注云。祭成人。始設奠于奧。是謂陰厭。尸謾

扉扶味反

後。改饌于西北隅。是謂陽厭。若宗子爲殤。惟有陰厭。若庶子適殤。宗子適殤。惟有陽厭。士有陰厭。陽厭。天子諸侯亦同。唯上大夫無陽厭。爲當日賓尸故也。

按鄭之義。以陽厭爲祭末之事。助祭者至此易倦。故以不愧戒之。考之特牲禮。陰厭尊有玄酒。陽厭納一尊而已。陰厭備鼎俎。陽厭俎釋三個而已。則非徒在祭末。而其禮亦略矣。朱子云。獨居於室。不主祭言。故迨旃瑣言云。不愧屋漏。猶

曰不愧闇室。然孔子云。當室之白。尊于東房。是謂陽厭。則屋漏非暗室矣。此箋云。扉隱之處。蓋用儀禮。扉用筵之文。彼文又云。佐食闔牖戶降。則室內無人。故彼注云。改饌為幽闇。有司徹司官闔牖戶。注云。或者神欲幽闇是也。非以屋漏為闇室也。若詩取暗室之義。則宜云不愧于奧。不得云不愧于屋漏。若欲從朱說者。但謂室中雖虛。尚當不愧于東北之隅。理亦自通。何必指明為暗。反孔子之說乎。

柔木

箋云。柔忍之木。被之弦以為弓。○考工記。弓人為弓。取幹之道七。柘為上。檿次之。檠次之。橘次之。木瓜次之。荆次之。柎為下。凡相幹。欲赤黑而陽聲。赤黑則鄉心。陽聲則遠根。

桑柔篇

圍

釋詁云。圍。垂。舍人曰。圍。拒邊垂也。孫炎曰。國之四垂。

相

漢書云丞相掌丞天子助理萬機。○蔡邕獨斷云相助也。助理天下。

肺

說文云肺金藏也。○釋名云肺勃也其氣鬱勃也。○素問云西方生燥燥生金金生辛辛生肺肺生皮毛皮毛生腎肺主鼻又云肺者相傳之官治節出焉又云肺者氣之本魄之處也其華在毛其充在皮為陽中之大陰通於秋氣。○文子云肺為氣

○白虎通云肺所以義何肺者金之精義者斷決西方亦殺成萬物故肺象金色白繫於鼻。

腸

說文云腸大小腸也。○釋名云腸暢也暢胃氣去滓穢也。○廣雅云腸詳也。○素問云六經為川腸胃為海又云脾胃大腸小腸者倉廩之本營之居也名曰器能化糟粕轉味而入出至陰之類通於土氣。○白虎通云大腸小腸心之府也主禮禮有分理腸亦大小相承受也。

大風

箋云。西風謂之大風。○釋天云。西風謂之泰風。孫炎曰。西風成物。物豐泰也。○易緯云。立秋。閭闔風至。○呂氏春秋曰。西方曰颶風。

颶音溜

隧

孔氏曰。隧者道之別名。

雲漢篇

郊

周禮。太宰。祀五帝。掌百官之誓戒。與其具修。前期

十日。帥執事卜日。遂戒。及執事。視滌濯。及納亨。贊王牲事。祀之日。贊玉幣爵之事。冢人。祭祀。以疏布巾。冢八尊。掌次。祀五帝。張大次。小次。設重帟。重案。大司徒。祀五帝。奉牛牲。羞其肆。充人。掌繫祭祀之牲牲。祀五帝。則繫于牢。芻之三月。大宗伯。以青圭禮東方。以赤璋禮南方。以白琥禮西方。以玄璜禮北方。皆有牲幣。各放其器之色。祀大神。祭大示。治其大禮。國有大故。則旅上帝。小宗伯。兆五帝于四郊。大司馬。及執事。禱祠于上下神示。典瑞。四圭有邸

言名物正 卷五 三百四十七
以祀天。旅上帝。兩圭有邸以事地。旅四望。司服祀
昊天上帝。則服大裘而冕。祀五帝亦如之。大司樂
奏黃鍾歌大呂舞雲門以祀天神。奏大簇歌應鍾
舞咸池以祭地示。大祝掌六祈。一曰類。大司寇禮
祀五帝。涖誓百官。祭之日。奉明水火。小司寇禮祀
五帝。實鑊水。納亨亦如之。職金。旅上帝共其金版。
士師祀五帝則沃尸。及王盥。洎鑊水。○禮記月令
孟春元日。祈穀于上帝。仲夏大雩帝。禮運云。祭帝
于郊。所以定天位。祀社于國。所以列地利。禮器有

越音活

以下為貴者。至敬不壇。埽地而祭。有以素為貴者。
大圭不琢。大羹不和。大路素而越席。犧尊疏布。鼯
禪杓。又云。禮之近人情者。非其至者也。郊血。又云。
筮簞之安。而藁秸之設。又云。饗帝于郊。而風雨節。
寒暑時。郊特牲云。郊特牲而社稷太牢。郊之祭。迎
長日之至也。大報天而主日也。兆于南郊。就陽位
也。埽地而祭。于其質也。器用陶匏。以象天地之性
也。牲用騂。尚赤也。用犢。貴誠也。郊之用辛也。周之
始郊。日以至。卜郊。受命于祖廟。作龜于禰宮。卜之

日。王立于澤。親聽誓命。獻命庫門之內。戒百官也。
太廟之命。戒百姓也。祭之日。王皮弁以聽祭報。被
袞以象天。戴冕璪十有二旒。乘素車。旂十有二旒。
龍章而設日月。帝牛必在滌三月。稷牛惟具。所以
別祀天神與人鬼也。祭法云。燔柴於泰壇。祭天也。
瘞埋于泰折。祭地也。用騂犢。祭義云。郊之祭也。喪
者不敢哭。凶服者不敢入國門。敬之至也。大報天
而主日。配以月。夏后氏祭其闇。殷人祭其陽。周人
祭日以朝及闇。明堂位云。魯君孟春。乘大路。載弧

韞。旂十有二旒。日月之章。祀帝于郊。配以后稷。天
子之禮也。○公羊傳云。郊則曷為必祭稷。王者必
以其祖配。自內出者無主。不行。自外至者無主。不
止。

奠瘞

孔氏曰。奠謂置之於地。瘞謂埋之於地。禮與物皆
謂為禮事神之物。酒食牲玉之類也。○爾雅云。祭
天曰燔柴。祭地曰瘞。疏云。祭天之禮。積柴以實
牲體。玉帛而燔之。使烟氣之臭。上達於天。祭神州

地示於北郊。瘞繒埋牲。因名祭地曰瘞埋。

宗

禮記

傳云。宗尊也。凶荒索鬼神而祭之。○周禮大司徒。荒政十一曰索鬼神。黨正春秋祭禘。大祝掌六祈。類造禱祭。攻訖小祝。掌侯禳禱祠之祝號。以逆時。雨寧風旱。○祭法云。埋少牢於泰昭。祭時也。相近於坎壇。祭寒暑也。王宮祭日也。夜明祭月也。幽宗祭星也。雩宗祭水旱也。四坎壇祭四方也。山林川谷丘陵能出雲為風雨見怪物。皆曰神。有天下者

祭百神。注相近當為禳祈。宗皆當為祭。疏此經所載謂四時乖序。寒暑僭逆。水旱失時。須有所禱。非關正禮之事。○左傳子產云。山川之神則水旱癘疫之災。於是乎祭之。日月星辰之神則雪霜風雨之不時。於是乎祭之。

群公先正

月令仲夏。命有司為民祈祀山川百源。大雩帝。用盛樂。乃命百縣雩祀百辟卿士。有益于民者。以祈穀實。注百辟卿士古者上公。若句龍后稷之類。疏

百辟則古之上公。國語。鯀爲宗伯。祭法有祀之文。社稷五祀。雖爲王朝卿士。兼帶上公之官。故左傳云。封爲上公。祀爲貴神。○周禮。舞師掌教皇舞。帥而舞旱暵之事。稻人。旱暵共其雩斂。司巫。若國大旱。則帥巫而舞雩。女巫。旱暵則舞雩。○左傳云。龍見而雩。

旱魃

說文。魃。旱鬼也。○神異經云。南方有人。長二三尺。袒身。自在頂上。走行如風。名曰魃。所見之國。大旱

赤地千里。一名旱母。遇者得之。投溷中。卽死。旱災消也。○山海經。係昆之山。有人衣青衣。名曰黃帝女魃。黃帝攻蚩尤冀州之野。蚩尤請風伯雨師。縱大風雨。黃帝乃下天女曰魃。雨止。遂殺蚩尤。魃不得復上。所居不雨。叔均言之帝。後置之赤水之北。所欲逐之者。令曰。神北行。○文字指歸云。女魃禿無髮。

祈年

疏云。孟春祈穀。孟冬祈來年是也。

月令。孟春。天子乃以元日祈穀于上帝。注云。謂以上辛郊祭太微之帝。疏云。郊特牲云。郊不言祈穀。此經言祈穀。不言郊。鄭以爲二祭是一。故此注謂以上辛郊祭也。郊各祭所感之帝。殷人祭汁。先紀。周人祭靈威仰。○左傳。孟獻子云。郊祀后稷。以祈農事也。是故啓蟄而郊。郊而後耕。注云。啓蟄。夏正建寅之月。耕謂春分。

又云。孟冬。天子祈來年于天宗。注云。天宗。謂日月星辰也。○蔡邕云。日爲陽宗。月爲陰宗。北辰爲星

宗。○大宗伯以實柴祀日月星辰。注云。星。謂五緯辰。謂日月所會十二次。疏云。五緯。即五星。東方歲星。南方熒惑。西方太白。北方辰星。中央鎮星。辰。雖據日月會時而言。卽二十八星也。○祭義云。郊大報天而主日。配以月。疏云。天帝獨爲壇。其日月及天神等。各爲一壇。○爾雅云。祭星曰布。

按此祈來年於天宗。既非遇災禱禳。則與祭法所云王宮夜明。幽禋祭日月星者異矣。又非朝日夕月。則與祭義所云祭日于壇。祭月于坎者

異矣。其禮當如郊祭。主日配月者。日月及五緯星二十八經星。合爲一壇。而以實柴祀之。牲蓋用牛。以大宗伯注推之可見。

庶正

疏云。正。長也。周官三百六十。每官各有其長。

崧高篇

崧

釋山云。山大而高。崧。注。今中嶽嵩高山。蓋依此名。○釋名云。崧。竦也。亦高稱也。

嶽

釋山云。泰山爲東嶽。華山爲西嶽。霍山爲南嶽。恒山爲北嶽。嵩丘爲中嶽。○禮記云。巡狩至于岱宗。柴而望祀山川。南嶽西嶽北嶽。如初禮。天子祭天下名山。五嶽視三公。○大宗伯以血祭祭五嶽。國有大故。旅四望。注云。四望。五嶽四鎮。四瀆。典瑞。兩圭有邸。以旅四望。司服。祀四望山川。則毳冕。大司樂。奏姑洗。歌南呂。舞大磬。以祀四望。凡五嶽崩。令去樂。職方氏。荊州衡山。豫州華山。兖州岱山。并州

磬詔同

恒山。○白虎通云。嶽之為言楠。楠功德。東岱宗者。言物更相代於東方。南霍者。護也。太陽用事。護養萬物。西華者。穫也。萬物成熟。可得穫也。北恒者。常也。萬物伏藏有常也。中央嵩山。言其峻大之也。○風俗通云。東方泰山。尊曰岱宗。岱始也。宗長也。萬物之始。陰陽交代。故為五嶽長。南方衡山。一名霍。霍者萬物盛長。垂枝布葉。霍然而大。西方華者。萬物變華於西方也。北方恒者。常也。中央嵩者。高也。○說苑云。五嶽能大布雲雨焉。能大歛雲雨焉。雲

洞音同

蠶以追反

牀音作璵

音樞璵音

浮護音護

栢音部

善音姚

觸石而出。膚寸而合。不崇朝而雨天下。德施博大。故視三公也。○山海經云。泰山上多玉。下多金。有獸曰狌狌。太華之山。削成而四方。高五千仞。廣十里。鳥獸莫居。有蛇名肥蠶。小華之山。木多荆杞。獸多牝牛。陰多磬石。陽多璵璣之玉。鳥多赤鷩。艸有草荔。衡山上多青護。多桑。其鳥多鸚鵡。北嶽之山。多枳棘剛木。有獸名諸懷。少室之山。有木名帝休。上多玉。下多鍊。泰室之山。有栢木。善艸。多美石。

按泰山。在今山東濟南府泰安州北五里。華山

詩名物正 卷三

三百廿二

在陝西西安府華州華陰縣南十里。衡山在湖廣衡州府衡山縣西三十里。恒山在直隸真定府定州曲陽縣西北一百四十里。嵩山在河南河南府登封縣北十里。禹貢之外方也。東謂太室。西謂少室。相去十七里。嵩其揆名也。衡山一名霍。故孔安國注尚書。鄭玄注大宗伯。服虔注左傳。及孝經鉤命決。龍魚河圖。皆以衡山爲南嶽。而書傳白虎通。風俗通。爾雅。廣雅。說苑諸書。並以霍山爲南嶽。衡霍一也。即今衡州之衡山。

也。直隸廬州府六安州有霍山。即天柱山。漢武南巡。以衡嶽遠阻。乃移嶽神於此而祀焉。其後因得衡山之名。郭璞以六安之霍爲南嶽。非也。鄭注大司樂五嶽數。雍州之吳嶽。而不數嵩。蓋以職方九州有吳嶽。無嵩。高取爾雅五山五嶽。差而配之。以充五嶽四鎮。故云爾。其實五嶽不數河西嶽也。吳嶽山在今陝西鳳翔府隴州南八十里。

伯

周書云。士率衆時作謂之伯。○要畧云。伯把也。持政事也。○風俗通云。伯者長也。白也。言其咸建五長。功實明白也。○王制云。伯七十里。○周禮云。諸侯之地。封疆三百里。其食者參之一。又云。伯執躬圭。其他皆如諸侯之禮。

私人

有司徹云。主人降。獻私人。注云。大夫言私人。明不純臣。○玉藻云。大夫私事。使私人擯。

介圭

釋器云。珪大尺二寸謂之玠。○大宗伯以玉作六瑞。以等邦國。玉人之事。鎮圭尺有二寸。天子守之。命圭九寸。謂之桓圭。公守之。命圭七寸。謂之信圭。侯守之。命圭七寸。謂之躬圭。伯守之。

按介之爲言大也。毛以爲諸侯之瑞圭是也。鄭獨以爲尺二寸之圭。不知尺二寸乃王之鎮圭。豈得以賜諸侯乎。尚書太保承介圭。孔安國云。大圭尺二寸。天子守之。可證介圭即鎮圭也。

郿

言名物疏卷五十一
朱傳云。郿在鎬京之西。岐周之東。○一統志。郿縣在陝西鳳翔府城東南百四十里。郿城在郿縣北十五里。渭水之北。

陳三吾校

六家詩名物疏卷五十終

六家詩名物疏卷五十一

海虞馮復京嗣宗輯著

大雅蕩之什二

烝民篇

考

釋親云。父為考。母為妣。○白虎通曰。考。成也。言有成德。○曲禮曰。生日父母妻。歿曰考妣。嬪。

喉

說文云。喉。隴也。○素問曰。喉主天氣。咽主地氣。○

物理論云。咽喉生之要孔。

韓奕篇

梁山

禹貢冀州既載壺口治梁及岐。○釋山云梁山晉望也。注云在夏陽西北臨河上。○地里志左馮翊夏陽縣故少梁梁山在西北。○九域志山在龍門之南。○括地志在同州韓城縣東南一十九里。○玉海云梁山在京兆府奉天縣北五里。古公踰梁山秦立梁山宮。又同州韓城縣南十九里亦有梁山。

山漢左馮翊夏陽縣西北。詩所謂奕奕梁山也。爾雅以為晉望。

按同州韓城縣今屬陝西西安府古之韓國晉為少梁秦漢之夏陽縣也梁山在其境非大王遷岐所踰之梁山也。太王所踰之梁山在乾州西北五里乾州即唐之奉天縣也。

韓

左傳云韓武之穆也。○通典同州韓城縣古韓國有韓原。○一統志古韓城在韓城縣南十八里。

按水經注引王肅曰。涿郡方城縣有韓侯城。後魏志亦云。范陽郡方城縣有韓侯城。此詩下文又有燕師所完。奄受北國之文。故李氏疑韓國在燕地。古方城縣即今順天府固安縣地也。存之以備參考。

受命

朱傳云。蓋即位除喪。以士服入見天子而聽命。○王制云。諸侯之世子未賜爵。視天子之元士。以君其國。○韓詩內傳云。諸侯世子三年喪畢。上受爵

命于天子。○白虎通云。世子上受爵命。衣士服。何謙不敢自專也。故詩曰。韎韐有奭。世子始行也。

覲 互見沔水篇朝

大宗伯云。秋見曰覲。大行人云。秋覲以比邦國之功。○聘禮云。侯氏禪冕。釋幣于禰。乘墨車。載龍旂。弧韜。乃朝。以瑞玉。有繅。天子設斧依于戶牖之間。左右几。天子衮冕。負斧依。侯氏入門右。坐奠圭。再拜稽首。擯者謁。侯氏坐。取圭致命。王受之。玉。侯氏降階。東北面。再拜稽首。擯者延之。曰升。升成拜。乃

出記。凡侯于東箱。偏駕不入王門。奠圭于纁上。

入覲 互見商頌長發篇

箋云。覲於宣王而奉享禮。○周禮內府。凡四方之幣獻之金玉齒革兵器。凡良貨賄入焉。大行人云。廟中將幣三享。注。皆束帛加璧。庭實惟國所有。小行人云。合六幣。圭以馬。璋以皮。璧以帛。琮以錦。琥以繡。璜以黼。玉人云。璧琮九寸。諸侯以享天子。琬琮八寸。諸侯以享夫人。○覲禮云。四享皆束帛加璧。庭實惟國所有。注云。四當為三。初享或用馬。或

用虎豹之皮。其次享。三牲魚腊。籩豆之實。龜也。金也。丹漆絲纊竹箭也。其餘無常貨。惟所有。分為三享。皆以璧帛致之。又云。奉束帛。匹馬。卓上。九馬隨之。奠幣再拜稽首。升致命。王撫玉。侯氏降自西階。東面。授宰幣。西階前再拜稽首。以馬出。授人。九馬隨之。事畢。

綏章

傳云。綏。大綏也。○王制云。天子殺則下大綏。諸侯殺則下小綏。注。綏當為綏。有虞氏之旌旗也。明堂

言金物疏 卷五十一
位云。夏后氏之綬。注云。虞當言綬。夏當言旂。蓋錯
誤也。綬謂注旄牛尾于杠首。所謂大麾。周禮。建大
麾以田。○夏采注云。徐州貢夏翟之羽。虞以為綬。
後世或無。染烏羽象而用之。或以旄牛尾為之。綬
於幢上。所謂注旄於竿首。互見于旄旄旌

笈云。綬所引以登車。有采章也。○說文云。綬。車中
把也。○曲禮曰。君車已駕。僕取貳綬跪乘。凡僕人
之禮。必授人綬。乘路馬。必朝服。不敢授綬。少儀曰。
執君之乘車。則坐。僕者右帶劔。負良綬。申之面。拖

諸席。以散綬升。執纜。然後步。○論語曰。升車必正
立。執綬。

鏤錫

疏云。金路無錫。有鉤。此金路得有鏤錫者。蓋特賜
之。○巾車云。玉路。錫樊纓。注。錫。馬面當盧。刻金為
之。所謂鏤錫。當盧者。當馬之額。盧。在眉眼之上。

鞞

傳云。鞞。軾中也。○考工記。輿人為車。參分車隧。一
在前。二在後。以揉其式。以其廣之半為之。式。崇。參

言名物疏 卷五十一
分軫圍。去一以為式圍。○孔氏云。軾者。兩較之間。有橫木可憑者也。

淺

傳云。虎皮淺毛也。○月令。其蟲倮。注云。虎豹之屬恒淺毛。

幟

傳云。帟。覆式也。○玉藻云。君羔帟。虎犴。大夫齋車。鹿帟。豹犴。朝車。士齋車。鹿帟。豹犴。注云。帟。覆苓也。少儀曰。御負良綬。申之面。拖諸帟。曲禮曰。大夫士

去國素箴。○周禮。王之喪車。木車。犬禭。疏飾。素車。犬禭。素飾。藻車。鹿。淺禭。革飾。駟車。然禭。髮飾。漆車。豕禭。雀飾。○荀子曰。絲末彌龍。所以養威也。○禮書云。帟若席然。施諸軾上。諸書帟箴禭末俱即幟字

金厄

疏云。毛以厄為厄蟲。則金厄者。以金接轡之端。如厄蟲然。鄭易傳。以金為小環。往往纏搭之。往往者言非一二處。

屠

李氏曰。同州酈谷。○說文云。酈在馮翊郃陽亭。○朱傳。或曰。卽杜也。○解頤字義云。屠蓋在鎬京東。非之地。未詳其處。或以爲在同州酈谷。則太遠。或以爲卽酈縣之杜陵。則其地在鎬京南。不當至此也。

壺

說文云。壺。昆吾園器也。象形。從太。象其蓋也。○周禮。秋。嘗。冬。蒸。其饋獻用兩壺尊。掌客。上公。壺四十。夫人致禮八壺。侯伯三十二。夫人致禮八壺。子男

二十四。夫人致禮六壺。○禮記。五獻之尊。門內壺。又云。尊壺者。面其鼻。○特牲禮。視壺濯。尊兩壺于阼階東。又曰。覆兩壺焉。蓋在南。鄉飲酒。尊兩壺于房戶間。鄉射。兩壺斯禁。聘禮。陳饗。或八壺。或六壺。燕禮。卿大夫兩方壺。士旅兩圜壺。公尊瓦大。大射。膳尊兩甒。卿大夫方壺。士旅圜壺。少牢尊兩甒。士喪。大斂兩瓦甒。虞兩甒。○三禮圖云。洗壺受一斛。口徑一尺。頭高五寸。大中。身兌下。赤漆中。上加青雲氣。方壺受一斛。腹圜。足口方。圜壺受一斛。腹方

足口圍。

菹

釋器云。菜謂之菹。○孔氏云。菹者菜茹之總名。

筍

筍落同音待

爾雅云。筍。竹萌。箠。箭萌。○天官醢人云。笱。菹。雁醢。筍。菹。魚醢。○陸機云。筍皆四月生。惟巴竹筍。八月九月生。始出地。長數寸。鬻以苦酒。豉汁浸之。可以就酒及食。○呂覽云。和之美者。越駱之菌。注。越駱山名。菌。竹筍也。○筍譜云。竹初種。根食土而下。求

乎母也。及擢筍。冒土而上。愛乎子也。筍大約不過青綠色。本艸木性。甲乙氣。○李英公本艸云。竹筍。性甘。無毒。主消渴。利水道。益氣。可久食。

贈

覲禮云。天子賜侯氏以車服。路先設。西上。路上四亞之。重賜無數。在車南。諸公奉篋服。加命書于其上。升自西階。東面。大史是右。侯氏升。西面立。大史述命。侯氏降。兩階之間。北面再拜稽首。升成拜。大史加書于服上。侯氏受。○樂記云。大路者。天子之

詩名物疏

言名物疏 卷五十一
車也。龍旂九旒。天子之旌也。青黑緣者。天子之寶龜也。從之以牛羊之羣。則所以贈諸侯也。

侯氏

覲禮注云。不言諸侯。言侯氏者。明國殊舍異。禮不
凡之也。

貓

傳云。貓似虎淺毛者也。○釋獸云。虎竊毛謂之虓
貓。注。竊淺也。詩曰。有貓有虎。又云。後麇如虓貓。○
雅翼云。虎淺色謂之虓貓。而西域傳注。稱獅子似

虎。正黃而有頰。尾端毛大如斗。又詩稱韓土之樂
有貓有虎。周書記武王之狩。禽虎二十有二。貓二
則是虎之類也。

按釋獸之文。貓即虎之淺毛者。以上下文熊羆
虎類之。知是猛獸。非捕鼠之貓也。捕鼠之貓。形
亦似虎。又畫地卜食亦如虎。其鼻端嘗冷。惟夏
至一日煖。蓋陰類也。故應陰氣如此。與虎陽獸
感風不全。酉陽雜俎云。貓一名蒙貴。一名烏圓。
陸農師以貓食田鼠。虎食田彘。故詩以譽韓樂。

失之矣。

燕

朱傳云。燕。召公之國。○地里志。薊縣。故燕國。召公所封。○國都城記云。地在燕山之野。故國取名焉。北燕伯欵始見春秋。○元命包云。箕星散為幽州。分為燕國。○一統志。順天府。武王封堯後於薊。封召公奭于燕。即此。燕山在薊州玉田縣西北二十里。

百蠻

補傳云。蠻夷可通稱。北稱蠻。猶西稱夷。○史記匈奴傳。居于北蠻。

追貊

傳云。追貊。戎狄國。箋云。後追貊為獫狁所逼。稍稍東遷。疏云。貊者。東夷之種。分居於北。故於此時為韓所統。○周官職方。辨九貉之人民。注云。北方曰貉。狄。貉。隸注云。征東北夷所獲。○說文云。貉。北方豸種。孔子曰。貉之為言惡也。○漢書高紀云。北貉燕人助漢。師古曰。貉在東北方。三韓之屬。皆貉類。

歲音穢

也。○地里考云。後漢傳有貊耳小水貊。貊之屬。東夷之貊也。

北國

箋云。北面之國。疏云。職方氏。正北曰并州。言受王畿北面之國。當是并州牧。○黃氏曰。今洛州曲梁赤狄也。中山安喜鮮虞國。真定鼓國。棗城西壘肥國。皆白狄也。

壑

說文云。壑。溝也。○釋言云。隍。壑也。舍人曰。隍。城池

也。壑。溝也。

貊

穀呼上反

釋獸云。貊。白狐。其子穀。○陸機云。貊似虎。或曰似熊。一名執夷。一名白狐。遼東人謂之白羆。○說文云。虎豹屬。出貉國。○書云。如虎如貊于商郊。○曲禮曰。前有擊獸。則載貊貅。○莊子曰。豐狐文羆。搏於山林。伏於巖穴。夜行晝居。求食江湖之上。

江漢篇

淮夷

陳傅良云。江漢常武二篇。同言淮夷。以地里考之。曰江漢之游者。淮南之夷也。若在淮北。則江漢非所入之路也。曰率彼淮浦。省此徐土者。淮北之夷也。若在淮南。則徐土非聯接之地矣。孔氏曰。召公伐淮夷。在淮水南。魯僖伐淮夷。在淮水北。當淮之南北。皆有夷也。○禹貢云。淮夷蠙珠暨魚。費誓云。徂茲淮夷。徐戎並興。○春秋僖十四年。祀辟淮夷。遷都。諸侯城緣陵。十六年。鄭為淮夷所病。會于淮。謀郟。○後漢東夷傳。殷武乙衰敝。東夷浸盛。遂分而平之。

貞

遷淮岱。漸居中土。周公征之。遂定東夷。厲王無道。淮夷入寇。王命虢仲征之。不克。宣王復命召公伐而平之。

疏云。鬱人掌和鬱鬯以實彝。則鬯當在彝。而此及尚書左傳。皆云秬鬯一貞者。當祭時乃在彝。未祭則在貞。賜時未祭。故貞盛之。○爾雅云。彝。器也。貞。中尊也。孫炎曰。尊彝為上。罍為下。貞居中。郭璞曰。貞。不大不小者。○周禮。鬯人。廟用脩。注云。廟

言各物... 卷五... 用脩者。謂始禘時。自饋熟始。脩讀曰白。白。中尊。謂獻象之屬。

常武篇

太祖

傳云。命南仲於太祖。疏云。后稷太祖之廟。

程

楚語云。重黎氏世敘天地。在周。程伯休父其後也。當宣王。失其官守。而為司馬氏。韋昭云。程國伯爵。休父。名也。失官。謂失天地之官。而以諸侯為大司

馬。○郡國志。雒陽有上程聚。古程伯休父之國也。

○一統志。上程聚在河南府洛陽縣。

浦

說文云。浦。水濱也。

徐

曹氏云。禹貢徐州。東至海。北至岱。南及淮。其地廣人衆矣。若淮夷則東夷之種。散處淮浦者爾。○陳氏曰。徐大而淮夷小。淮夷即徐州之夷。而服屬於徐。曰徐方者。兼徐淮而言之。曰徐國者。特言徐戎。

言名物類
卷五十一
也。○地里志。臨淮徐縣。故徐國。○郡縣志。大徐城。在泗州徐城縣北三十里。徐子國。○玉海云。徐。嬴姓。伯益佐禹有功。封其子若木於徐。○一統志。直隸鳳陽府泗州。春秋時徐子國。徐城在州北五十里。

三事

箋云。三農之事。○太宰云。以三農生九穀。先鄭云。三農。平地山澤也。玄謂原隰及平地。○朱子云。上中下農夫。

釋

傳張恣反

箋云。釋當作驛。傳遽之驛。○周禮。行夫掌邦國傳遽之小事。注云。傳遽。若今時乘傳騎驛而使者也。○廣雅云。郵。驛也。置亦驛也。○漢書田儵傳云。尸鄉廐置。臣瓚曰。案廐置。謂置馬以傳驛者。○李陵傳云。因騎置以聞。師古曰。騎置。謂驛騎也。○丹鈔。總錄云。按說文。驛。置騎也。駟驛。傳也。合觀之。驛主于騎。言馬也。駟主于傳。言車也。字書。馬。過曰置。步。過曰郵。漢謂之乘傳。如淳曰。漢律。四馬高足爲置。

言名物疏 卷之三
傳。四馬中足為馳傳。四馬下足為乘傳。一馬二馬為軺傳。又謂之遽。

瞻印篇

織

說文曰。織。作布帛之總名。○內則云。女子十年不出。執麻枲。治絲繭。織紝組紃。學女事。

狄

爾雅。八狄。注云。八狄在北。○周官職方氏辨六狄之人民。○王制云。北方曰狄。衣羽毛穴居。有不粒

食者矣。明堂位。五狄之國。○風俗通云。父子嫂叔同穴無別。狄者辟也。其行邪辟。其類有五。一曰月支。二曰穢貊。三曰匈奴。四曰單于。五曰白屋。

召旻篇

昏

箋云。昏。椽。皆闔人也。昏其官名。○周禮闔人。王宮每門四人。掌守王宮中門之禁。喪服凶器不入宮。潛服賊器不入宮。奇服怪民不入宮。凡內人公器賓客。無帥則幾其出入。以時啓閉。掌掃門庭。○天

言名物類 卷五十一
官。酒人。奄十人。注云。奄。精氣閉藏者。漿人。奄五人。
籩人。醢人。各奄一人。醢人。鹽人。各奄二人。冢人。奄
一人。內小臣。奄上士四人。寺人。王之正內五人。內
豎。倍寺人之數。地官。春人。饕人。各奄二人。豪人。奄
八人。春官。守祧。奄八人。

苴

傳云。水中浮艸。○箋云。樹上棲苴。○疏云。苴是艸
木之枯槁者。故在樹未落。及已落為水漂。皆稱苴
也。

按毛以苴為水中浮艸。鄭以棲者。居在木上之
名。謂水上為棲。于理未愜。故易之云。樹上棲苴。
朱傳云。水中浮艸。棲于木上者。意欲合二說為
一。不知既漂水中。何緣仍居木上。若如蒲柳等
木。本生水邊。故水中艸得棲之。則為水浸潤。不
得枯槁。進退求之。朱義難通。

䟽糲

朱傳云。䟽糲也。糲則精矣。○九章算術云。粟率五
十。糲米三十。糲二十七。鑿二十四。御二十一。

陳三吾校

六家詩名物疏卷五十一終

六家詩名物疏卷五十二

海虞馮復京嗣宗輯著

周頌清廟之什

清廟篇

顯相

箋云。諸侯來助祭。○周語云。甸服者祭。侯服者祀。賓服者享。日祭。月祀。時享。○何休公羊注云。王者貴得天下之歡心。以事其先王。因助祭以述其職。故分四方諸侯爲五部。部有四輩。輩主一時。孝經

言各物正。卷三十一。二百三十一。
曰。四海之內。各以其職來助祭。尚書曰。羣后肆朝是也。

我將篇

將享

序云。祀文王於明堂。疏云。此祀明堂。是大享五帝。非迎氣告朔也。五帝之牲用特牛。文武爲配。於禮得有羊。○孝經云。管者周公郊祀后稷以配天。宗祀文王於明堂以配上帝。是以四海之內。各以其職來祭。○曲禮云。大饗不問卜。不饒富。月令。季秋

上下。命樂正入學習吹。是月也。大饗帝。樂記曰。祀乎明堂而民知孝。祭法云。虞祖顓頊而宗堯。夏祖顓頊而宗禹。殷祖契而宗湯。周祖文王而宗武王。注云。祭五帝五神於明堂曰祖宗。明堂位云。明堂也者。明諸侯之尊卑也。周公朝諸侯於明堂。制禮作樂。頒度量而天下大服。○考工記云。夏后氏世室。堂修二七。廣四修一。五室。三四步。四三尺。九階。四旁兩夾牕。白盛。門堂三之一。室三之一。殷人重屋。堂修七尋。堂崇三尺。四阿重屋。周人明堂。度九

尺之筵。東西九筵。南北七筵。堂崇一筵。五室。凡室二筵。○周書明堂曰。方百一十二尺。高四尺。階廣六尺三寸。室居中。方百尺。室中方六十尺。東應門。南庫門。西臯門。北雉門。東方曰青陽。南方曰明堂。西方曰總章。北方曰玄堂。中央曰大廟。以左爲左个。右爲右个。○帝命驗云。帝者成天立府。以尊天重象。赤曰文祖。黃曰神斗。白曰顯記。黑曰玄矩。蒼曰靈府。○大戴禮云。明堂凡九室。一室而有四戶。八牖。二十六戶。七十二牖。以茅蓋屋。上圓下方。外

水名曰辟雍。○含文嘉云。明堂所以通神靈。感天地。正四時。○禮記外傳云。一堂之上爲五室。南面三階。五室者。象地載五行也。五行生於四時。故每室四達。○援神契云。周之明堂。在國之陽。三里之外。七里之內。在辰巳。

時邁篇

時邁

序云。時邁。巡狩告祭。柴望也。○尚書云。歲二月。東巡狩。至于岱宗。柴望秩于山川。肆覲東后。協時月。

言不物政 卷五十二 三百〇三
正日同律度量衡。修五禮五玉三帛二生一死贄。如五器。卒乃復。五月南巡狩。至于南嶽。如岱禮。八月西巡狩。至于西嶽。如初。十有一月朔巡狩。至于北嶽。如西禮。歸格于藝祖。用特。○周禮大司馬云。及師大合軍。以行禁令。以救無辜。伐有罪。注云。師謂巡狩會同。職方氏。王將巡狩。戒于四方曰。各修平乃守。考乃職事。無敢不敬戒。及王之所行。先道帥其屬而巡戒令。王殷國亦如之。大行人。十有二歲。王巡守殷國。土訓誦訓。王巡狩則夾王車。○王

制云。天子五年一巡守。柴而望祀山川。覲諸侯。問百年者。就見之。命太師陳詩以觀民風。命市納賈以觀民所好惡。命典禮考時月。定日。同律禮樂制度衣服正之。山川神祇有不舉者為不敬。君削以地。宗廟有不順者為不孝。君紕以爵。變禮易樂者為不從。君流。革制度衣服者為畔。君討。有功德於民者。加地進律。○大戴禮云。十有二歲。天子巡狩。是故諸侯上不敢侵陵。下不敢暴小民。○逸禮云。巡狩者何。巡循也。狩。牧也。為天循行牧民也。○禮

記外傳云。夏殷五載一巡狩。五年再閏周制十二年一

巡狩。歲星巡狩之年。四方諸侯先會嶽下以候見。

○左傳云。天子非展義不巡守。又云。先王卜征五

年。歲襲其祥。祥習乃行。○孔叢子云。天子將巡狩。

必告於祖禰。命告羣祀。及社稷畿內。名山大川。七

日而遍視。牲及用幣。

橐

疏云。橐者弓衣。一名韜。故納弓於衣。謂之韜弓。○

左傳。楚公子圍娶于公孫段氏。垂橐而入。注云。垂

橐。示無弓。○樂記云。武王克殷。倒載干戈。包之以
虎皮。名曰建橐。注云。兵甲之衣曰橐。

夏

箋云。樂歌大者稱夏。○周禮。大司樂。大祭祀。王出

入奏。王夏。尸出入奏肆夏。牲出入奏昭夏。帥國子

而舞。大饗。不入牲。其他皆如祭祀。大射。王出入。令

奏王夏。鍾師。以鐘鼓奏九夏。王夏。肆夏。昭夏。納夏。

章夏。齊夏。族夏。祫夏。騶夏。注云。九夏皆詩篇名。頌

之族類。載在樂章。樂崩亦從而亾。是以頌不能具。

樂師教樂儀行以肆夏趨以采薺車亦如之。○杜
子春云王出入奏王夏尸出入奏肆夏牲出入奏
昭夏四方賓來奏納夏臣有功奏章夏夫人祭奏
齊夏族人侍奏族夏客醉而出奏陔夏公出入奏
騫夏賈公彥云此九夏者惟王夏天子得奏其肆
夏則諸侯亦得用故燕禮奏肆夏大夫以下不得
故郊特牲云大夫奏肆夏由趙文子始明不合也
其昭夏以下諸侯亦用之鄉飲酒鄉射燕禮大射
賓醉將出之時皆云奏陔大射公入奏騫夏明天

倪薺

子亦用也。○禮記云賓入大門而奏肆夏示易以
敬。○國語曰金奏肆夏繁遏渠天子所以享元侯
呂叔玉云皆周頌也肆夏時邁也繁遏執儆也渠
思文肆遂也夏大也言遂于大位謂王位也故時
邁曰肆于時夏。

執競篇

筦

書曰下管鼗鼓。○周禮小師掌教箛管注云管如
篴而小併兩而吹之今大予樂官有焉瞽矇掌播

簞音嬌簞
乃結反
音鈔
鱗音也

簞管。笙師掌吹管。大司樂孤竹管。圜丘奏之。孫竹管。方丘奏之。陰竹管。宗廟奏之。○燕禮大射。下管新宮。○禮記。下管象。又云。竹聲濫濫以立會。會以聚眾。君子聽竽笙簞管之聲。則思畜聚之臣。○爾雅云。大管謂之簞。其中謂之篴。小者謂之鈔。注。管長尺圍寸。併漆之。有底。○廣雅云。管象鱗。長尺圍寸。六孔無底。○呂氏春秋曰。倕作管。○風俗通云。管漆竹。長一尺。六孔。十二月之音。象物貫地而牙。故謂之管。尚書大傳。舜之時。西王母來獻白玉瑄。

管章帝時。零陵文學奚景於冷道舜祠下。得笙白玉瑄。知古以玉為瑄。後乃易之以竹耳。夫以玉作音。故神人和。鳳凰儀也。○白虎通云。管良音也。○樂法圖曰。東律主黃鍾。聖人承天樂用管。管音調則律歷正。○樂書云。八音七曰竹。其卦則震。方則東。時則春。聲尚議。律姑洗。風明度。其音溫。春分之氣也。先王以為簞管之屬。管女媧氏命娥陵氏制。都良之管。以一天下之音。又命聖氏為班管。合日月星辰。至帝嚳命咸墨吹竽展管。亦因是矣。

思文篇

來牟

說文云。來。周所受瑞麥來麩。一來二縫。象芒束之形。天所來也。來麩。麥也。○雅翼云。古稱下田宜稻。麥。今小麥例須下田。大麥則不然。詩所謂青青之麥。生于陵陂者。謂大麥也。麩者。周所受瑞麥來麩也。一作牟。又作麥。即今大麥。劉向以為釐麩。麥也。然則來牟一物。唯廣雅以麩為大麥。來為小麥。○本艸云。小麥。味甘。主除熱。止躁渴。養肝氣。以作麩。

作麩。温。大麥。味鹹。主消渴。除熱。益氣。調中。為五穀長。

按韓詩作貽我嘉麥。可知來麥為一物。張揖之言。不足據也。

周頌臣工之什一

臣工篇

保介

箋云。保介。車右也。○月令。孟春。天子親載耒耜。措之於參。保介之御。間躬耕。帝籍。注云。保介。車右也。

人君之車。必使勇士衣甲居右而參乘。備非常也。保猶衣也。介。甲也。○呂氏春秋注云。保介。副也。載耒耜致于保介之間施用之。○朱傳云。蓋農官之副也。

按周禮。田僕掌馭田路以田以鄙。鄭氏曰。鄙。巡行縣鄙。然則耕籍於郊。蓋木路矣。周禮夏官。有戎右。齊右道右。而無木路之右。鄭氏云。戎路之右。田獵亦為之右焉。此保介即戎右也。高誘惟云。副也。朱子增成其義曰。農官之副。然未見確

然。

畬

爾雅云。田三歲曰畬。孫炎曰。畬。和也。田舒緩也。疏云。畬。和柔之意。

錢

說文云。錢。鈹。古田器。○世本云。垂作鈹。宋仲子云。鈹。刈也。○孔氏云。鈹。刈物之器。○管子云。一農之事。必有一耜一鈹一鎌一鍤一椎一鉦。然後成為農。○莊子云。春雨日時。艸木怒生。鈹鍤於是乎始

銹音鉞
鑿音插
鑿音華
鑿音華
與此遙反
裡音駭

鑿音耨所
音助斫丁
錄反定多
佞反

修。注云。銹。七遙反。削也。能有所穿削也。又他堯反。
○爾雅。剡謂之鑿。○方言。燕之東北。朝鮮。洌水之
間。謂之剡。宋魏謂之鑿。或謂之鑿。江淮南。楚謂之
甬。趙魏謂之甬。東齊謂之裡。

鑿

傳云。鑿。鑿。朱傳云。鉏也。○爾雅云。斫斫謂之定。李
巡曰。鋤別名也。郭云。鋤屬。○廣雅云。定謂之耨。○
世本云。垂作耨。○周禮。攻金之工。段氏為鑿器。粵
之無鑿也。非無鑿也。夫人而能為鑿也。○呂氏春

耨音姜

秋云。耨柄尺。此其度也。其耨六寸。所以間稼也。注
云。耨。芸苗也。六寸所以入苗間。○釋名云。鋤助也。
去穢助苗長也。齊人謂其柄曰耨頭。曰鶴。耨以鋤
嫗。耨禾也。鑿亦鋤類。鑿迫也。

銍

說文云。銍。穫禾短鎌。○釋名云。銍。穫黍鐵也。銍。銍。
斷穗聲也。○廣雅曰。銍謂之刈。

按錢鑿銍。皆田器也。釋文。銍音七遙反。則銍即
今之鋤。所以起土。可用於耕。鑿。先儒或以為鋤。

或以為耨。蓋一器而異名。高氏云。所以芸者也。鉦則刈禾短鎌也。

噫嘻篇

三十里

箋云。竟三十里者。一部一吏主之。周禮。萬夫有川。川上有路。計此萬夫之地。方三十三里。少半里也。言三十里者。舉成數。○朱傳云。此必鄉遂之官司。稼之屬。其職以萬夫為界者。溝洫用貢法。無公田。故皆謂之私。

耕

周禮閭師云。凡任民。任農以耕。事貢九穀。不耕者祭無盛。○周書曰。神農之時。天雨粟。神農耕而種之。○山海經云。后稷播百穀。始作耕。○韓詩說云。東西耕曰橫。南北耕曰由。○呂氏春秋云。冬至後五旬七日。莒葉生。莒者百州之先生也。於是始耕。○汜勝之書曰。秋耕宜早。春耕宜遲。強土而弱之。弱土而強之。○王氏農書曰。耕地之法。未耕曰生。已耕曰熟。初耕曰塌。再耕曰轉。生者欲深而猛。熟

者欲淺而廉。

振鷺篇

雝

傳云。雝。澤也。○韓詩章句云。西雝。文王之雍也。言文王之時。辟雍學士。皆潔白之人也。○朱氏云。先儒多謂辟雍在西郊。故曰西雝。

客

箋云。二王後祀宋。○郊特牲云。天子存二代之後。猶尊賢也。尊賢不過二代。○樂記云。武王伐紂。既

下車。封夏后氏之後於杞。投殷之後於宋。○尚書云。成王既黜殷命。殺武庚。命微子啓。作微子之命。王若曰。殷王元子。惟稽古崇德象賢。統承先王。修其禮物。作賓王家。庸建爾于上公。尹茲東夏。○書傳云。天子存二代之後。與已三。所以通天三統。立三正。○左傳。皇武子云。宋先代之後也。於周爲客。天子有專膳焉。有喪拜焉。○史記。杞世家云。武王求禹之後。得東樓公。封之於杞。以奉夏后氏之祀。○括地志。汴州雍丘縣。古杞國。○一統志。開封府

言名生... 三
杞縣在府城東百里殷周皆以封夏後為杞國

豐年篇

廩

廩音銑
即廩字

匪讀自分

爾雅云廩廩也。○說文云。向穀所以振入宗廟。粢盛倉黃。向而取之也。○周禮。廩人掌九穀之數。以待國之匪頒。賜稍食。以歲之上下。數邦用。以知足否。以詔穀用。凡會同師役之事。治糧食。大祭祀共接盛。注云。藏米曰廩。廩人舍人倉人司祿官之長。○公羊傳云。御廩。粢盛之所委。○孟子疏云。倉

有室曰廩。○釋名云。廩。矜也。寶物可惜者。投之其中也。○天文集曰。廩星主倉。○管子曰。倉廩實。知禮節。

秭

韓詩傳云。陳穀曰秭。○毛傳云。數億至億曰秭。

有警篇

應

傳云。應。小鞀。○爾雅云。鼓小者謂之應。○釋名云。鞀。禪也。禪助鼓節也。聲在前曰朔。朔始也。在後曰

詩名物流

卷五十三

三

所

應。應。大鼓也。○周禮小師大祭祀下管擊應鼓。徹歌大饗亦如之。注云。應。鼗也。○禮器曰。廟堂之下。縣鼓在西。應鼓在東。○大射禮。建鼓在阼階西南。鼓。應鼗在其東。南鼓。西階之西。一建鼓在南。東鼓。朔鼗在其北。注云。應鼗。應朔鼗也。先擊朔鼗。應鼗應之。朔始也。

田

傳云。田。大鼓也。疏云。應既是小。田宜為大。

箋云。田當作鞞。鞞。小鼓。在大鼓旁。應鞞之屬。○周

鞞音胤

禮。大師大祭祀。下管。令奏鼓鞞。鄭司農云。鞞。小鼓也。先擊小鼓。乃擊大鼓。小鼓為大鼓先引。故曰鞞。小師。小祭祀。小樂事。鼓鞞。○禮書云。儀禮朔鼗。乃鞞鼓也。以其引鼓。故曰鞞。以其始鼓。故曰朔。是以儀禮有朔無鞞。周禮有鞞無朔。其實一也。鄭氏以應鞞朔為三鼓。恐不然也。

縣鼓

明堂位云。夏后氏之足鼓。殷人楹鼓。周人縣鼓。○樂書云。縣鼓。周人所造之器。始作樂而合乎祖者

詩各物疏

卷五十三

十三

所

也。以應鼓爲和終之樂。則縣鼓其倡始之鼓與。
按鼓人。以路鼓鼓鬼享。大司樂。路鼓鼓於宗
廟之中。奏之。則所云縣鼓者。路鼓也。鼓人注云。
路鼓。四面鼓。陳暘以爲晉鼓。非也。應棘小鼓。不
便于縣。而賈公彥謂諸侯祭禮。應鼓縣在東方。
大射云。樂人宿縣。其下云云。則似亦縣之。又云。
鼗倚于頌磬。西紘。鄭那箋云。鼗雖不植。則商之
鼗不植。周之鼗亦不縣也。其應棘必縣與否。亦
無以定之。後世之制。建鼓左右。旁挾應棘。未必

合古法也。商之楹鼓。大射曰建鼓。或周之棘鼓。
殷人曰朔鼗與。

鞀

書云。下管鼗鼓。○儀禮。鼗倚于頌磬。西紘。注云。鼗
如鼓而小。賓至。搖之以秦樂。○周禮。小師掌教鼓
鼗。注云。鼗持柄。搖之。旁耳。還自擊。瞽矇。眡瞭。掌播
鼗。大司樂。鼗鼓。鼗鼓於圜丘。奏之。靈鼓。靈鼓於方
丘。奏之。路鼓。路鼓於宗廟。奏之。○禮記云。天子賜
作。子男樂。則以鼗將之。月令。仲夏。命樂師修鞀鞀。

言名物類 卷之三
○爾雅云。大鼗謂之麻。小鼗謂之料。注云。麻者音
概而長也。料者聲清而不亂。○釋名云。鞀導也。所
以導樂作。○世紀云。帝嚳命倕作鞀。○白虎通云。
鞀者震之氣也。上應卯星。以通王道。○鬻子云。禹
縣五聲曰。語寡人以獄訟者。揮鞀。○禮書云。儀禮。
諸侯之燕。大射。大夫士之鄉射。鄉飲。皆有鼗。無祝。
諸侯之樂。非無祝也。文不備。

祝

傳云。祝。木控也。○釋樂云。所以鼓祝謂之止。注云。

控音腔

桐音高

祝如漆桶。方二尺四寸。深一尺八寸。中有椎柄。連
底。桐之。令左右擊。止者其椎名。○廣雅云。祝。烏桶。
方三尺五寸。深尺八寸。四角有陸。○尚書夔曰。戛
擊鳴球。又云。下管鼗鼓。合止祝敵。○周禮。小師掌
教祝敵。瞽矇。掌祝敵。○禮記。王制云。天子賜諸侯
樂。則以祝將之。月令。仲夏。命樂師飭鐘磬。祝敵。明
堂位云。指擊。四代之樂器也。注。指擊。謂祝敵。樂記
云。聖人作鞀鼓。控楬。壎篪。此六者德音之器也。注。
控。楬。祝敵。○白虎通云。祝敵者。終始之聲。萬物之

楬音反

所生也。陰陽順而復。故曰祝。祝始也。敵終也。一說祝在東北方。○釋名云。祝如物始見。祝祝然也。○樂記圖曰。祝衆也。以舉衆樂。乾主立冬。陰陽終始。聖人象天以制祝。法使歿者不恨。生者不怨。○國語云。革木一聲。○樂書云。木者所以合止樂之器。其卦巽。其方東南之維。其時春夏之交。其風清明。其律夾鍾。其聲一。其音直。立夏之氣也。先王以爲祝。敵之屬。陰始于二四。終于八十。陰數四八。而以陽一主之。所以作樂。此祝居宮縣之東。象春物之

成始也。

圉

籥音真

爾雅云。所以鼓敵謂之籥。注云。敵如伏虎。背上有二十七齟齬。刻以木。長尺。櫟之。籥者其名。○釋名云。敵止也。所以止樂。○字說云。虎西方之獸。故敵爲伏虎。二十七齟齬者。三九之數。陽成于三。變于九。櫟之長尺。十之數也。陽三九而陰十勝之。所以止樂。○樂書云。敵居宮縣之西。象秋物之成終。

籥

釋樂云。大簫謂之言。小者謂之笳。注云。言編二十
 三管。長尺四寸。笳十六管。長尺二寸。簫一名籟。○
 博雅云。簫大者無底。小者有底。○釋名云。簫。肅也。
 其聲肅肅而清。○周禮。小師。掌教簫。瞽矇。掌播簫。
 笙師。掌教吹簫。○書曰。簫韶九成。○禮記。仲夏。命
 樂師。均管簫。○易通卦驗云。夏至之樂。以簫。鄭玄
 注云。簫亦管也。形似鳳翼。鳳火禽也。火數七。夏時
 火用事。○白虎通云。簫者。中呂之氣。○風俗通云。
 舜作簫。形參差象鳳翼。十管。長一尺。○通禮義纂

云。伏羲作簫。十六管。○月令章句云。簫長則濁。短
 則清。以膈密實其底。而增減之。則和。○三禮圖云。
 雅簫長尺四寸。二十四強。頌簫長尺二寸。十六強。
 無底者謂之洞簫。

強駝丘反

陳三吾校

六家詩名物疏卷五十二終

